



Broj: 17-14-21560-07

Sarajevo: ~~06-08-2018~~ godine

Na osnovu člana 64. stav (1) tačka b) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst) i preporuke Komisije za ustupanje usluga u postupku javne nabavke za "Nabavku usluga izrade, isporuke i implementacije softverskog sistema elektronske pisarnice" (Zapisnik o pregledu i ocjeni ponuda broj: 17-14-21560-06 od 31.07.2018. godine), načelnik Stručne službe za zajedničke poslove Kantona Sarajevo, d o n o s i:

### **ODLUKU** **o izboru najpovoljnijeg ponuđača**

#### **Član 1.**

Prihvata se Preporuka Komisije za ustupanje usluga u postupku javne nabavke za "Nabavku usluga izrade, isporuke i implementacije softverskog sistema elektronske pisarnice" i dodjeljuje se ponuđaču **"ORKA" d.o.o. Sarajevo**, prema dostavljenoj ponudi broj: P-18-0030 od 20.07.2018. godine u ukupnoj vrijednosti od **133.380,00 KM** (sa PDV-om).

#### **Član 2.**

Prijedlog ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti originalne dokaze ili ovjerene kopije po članu 47. ZJN (**bilans stanja i bilans uspjeha za 2017. godinu**), jer je u svojoj ponudi dostavio obične kopije, u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom. U slučaju da izabrani ponuđač propusti da dostavi originalne dokaze ili ovjerene kopije o kvalificiranosti u navedenom roku ili dostavi neprihvatljive dokaze, smatrat će se da odustaje od ugovora.

#### **Član 3.**

Ova odluka objavit će se na web stranici ugovornog organa, <http://jn.ks.gov.ba> istovremeno sa upućivanjem iste ponuđačima koji su učestvovali u postupku javne nabavke.

#### **Obrazloženje**



Postupak javne nabavke pokrenut je Odlukom o pokretanju postupka javne nabavke broj: 17-14-21560 od 18.05.2018 godine – "Nabavka usluga izrade, isporuke i implementacije softverskog sistema elektronske pisarnice". Javna nabavka je provedena putem postupka: Otvoreni postupak. Procijenjena vrijednost javne nabavke bez PDV-a iznosi 120.000,00 KM. Za predmetnu nabavku su objavljena dodatna obavještenja o nabavci na portalu javnih nabavki pod brojevima 1230-1-2-48-3-30/18 od 18.05.2018. godine i 10.07.2018.godine, 1230-1-2-48-8-40/18 od 10.07.2018. godine i u "Sl.Glasniku BiH", broj 42/18 od 22.06.2018. godine i broj 48/18 od 13.07.2018. godine.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka sa objavom obavještenja na portalu javnih nabavki, Komisija je na osnovu utvrđenog roka za prijem ponuda do 20.07.2018. godine do 14,00 h konstatovala da su u uredno zatvorenim kovertama dostavljene ponude od ponuđača:

- |  |
|--|
| <p><b>1. "AVACOM GROUP" d.o.o. Mostar, ul. Bleiburških žrtava 17c, 88000 Mostar</b><br/><b>2. "ORKA" d.o.o. Sarajevo, ul. Mula Mustafe Bašeskije 6, 71000 Sarajevo</b></p> |
|--|

U skladu sa Odlukom o pokretanju postupka, Komisija za ustupanje usluga formirana Odlukom broj: 17-01-05-31300 od 20.10.2017. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Otvorenom postupku. Zapisnik o pregledu i ocjeni ponuda broj: 17-14-21560-06 od 31.07.2018. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda dvije (2),
- da je blagovremeno zaprimljeno ukupno dvije (2) ponude,
- da nema neblagovremeno zaprimljenih ponuda,
- da ponuda ponuđača "ORKA" d.o.o. Sarajevo, ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa,
- da ponuda ponuđača "AVACOM GROUP" d.o.o. Mostar ne ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa iz sljedećih razloga:

- Ponuđač "AVACOM GROUP" d.o.o. u svojoj ponudi dostavio je dokaz (potvrdu) o uspješnoj realizaciji ugovora iz oblasti čiji je predmet nabavke sličan zahtjevima Sistema elektronske pisarnice u Kantonu Sarajevo za 2016. i 2017. godinu, dok je kao dokaz o uspješnoj realizaciji ugovora u 2015.g. priložena potvrda klijenta AvaCom Group d.o.o. Banja Luka. Budući da se radi o istom društvu, što je jasno vidljivo na osnovu imena i pečata na potvrdi, ovaj dokaz (potvrda) nije validan jer je suprotan zahtjevima iz tenderske dokumentacije, budući da potvrdu mora dati druga ugovorna strana ( III Uslovi za kvalifikaciju, tačka 4. Tehnička i profesionalna sposobnost – član 48.-51. Zakona, str. 6 TD: "*Ponuđač je dužan dokazati tehničke i profesionalne sposobnosti kroz spisak izvršenih ugovora u skladu s članom 48. stav (2) ovog zakona, a dokazi se podnose u formi spiska izvršenih ugovora uz potvrdu koju daje druga ugovorna strana o njihovoj realizaciji.*"
- Ponuđač "AVACOM GROUP" d.o.o. u svojoj ponudi za Softverskog inženjera – Denis Kalin i Viktor Jarak nije dostavio odgovarajuće kopije certifikata za administratora, odnosno kopije certifikata za administratora koje su tražene u tenderskoj dokumentaciji ( III Uslovi za kvalifikaciju, tačka 4. Tehnička i profesionalna sposobnost – član 48.-51. Zakona, str. 6 TD: "... kopiju certifikata za administratora **ponuđenog rješenja...**").



- Ponuđač "AVACOM GROUP" d.o.o. je u svojoj ponudi dao popis karakteristika sistema. Međutim, iz navedenog se **ne mogu** utvrditi karakteristike ponuđenog softverskog rješenja niti provjeriti da li ono ispunjava zahtjeve postavljene u tenderskoj dokumentaciji. Naime, iz Obrasca za cijenu ponude (Prilog 2. str.17 i 18. TD), tj. iz predmeta nabavke koji je dat u "Opisu pozicije" kao i iz stavke e) sadržaja ponude i načina izrade ponude (str.8 TD), gdje je ponuđač bio dužan dostaviti tehničku dokumentaciju i obrazloženje iz kojih se jasno i u potpunosti vide karakteristike ponuđenog softverskog rješenja i dokazuje da ispunjava zahtjeve postavljene u ovoj tenderskoj dokumentaciji, pri čemu Naručilac zadržava pravo provjere navoda o karakteristikama ponuđenog softverskog rješenja uključujući i organizaciju prezentacije demo-verzije softvera od strane ponuđača, može se jasno zaključiti da predmet tendera nije razvoj novog softverskog rješenja već podešavanje i implementacija rješenja na platformi koju je ponuđač već koristio u projektima za koje su tražene reference.
- Ponuđač "AVACOM GROUP" d.o.o. je propustio da u Obrascu za cijenu ponude (Prilog 2. str.17 i 18. TD) upiše **slovima** ukupnu cijenu ponude, a kako je zahtijevano u tenderskoj dokumentaciji ( str. 10 TD stavka 6) Način određivanja cijene ponude: "*Cijena ponude piše se brojevima i slovima. U slučaju neslaganja iznosa upisanih brojčano i slovima, prednost se daje iznosu upisanom slovima.*").

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke "Nabavka usluga izrade, isporuke i implementacije softverskog sistema elektronske pisarnice" kako slijedi:

1."ORKA" d.o.o. Sarajevo	100,00 bodova
--------------------------	---------------

U skladu sa kriterijem "najniža cijena", **ugovor se dodjeljuje ponuđaču "ORKA" d.o.o. Sarajevo** u ukupnoj vrijednosti nabavke od **133.380,00 KM** (sa PDV-om). Za predmetnu nabavku će se zaključiti ugovor.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 2000,00 KM, u skladu sa članom 108. stav 1. tačka c) Zakona o javnim nabavkama.



Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Pripremio: Almir Mešić, dipl.iur.

Prilog:

1. - Zapisnik o pregledu i ocjeni ponuda broj: 17-14-21560-06 od 31.07.2018. godine

**Dostaviti:**

1. Svim učesnicima u postupku,
2. Arhivi.



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094, Fax: + 387 (0) 33 562-220  
Sarajevo, Reisa Džemaludina Čauševića 1

